



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. D. Antonini Diana Panormitani, Cler. Reg. & S. Officij
in Regno Sicil. Consultoris, Practicæ Resolutiones
Lectissimorum Casuum**

Diana, Antonino

Antverpiæ, 1645

Emptio.

urn:nbn:de:hbz:466:1-41753

detur vetate moderatas, sed ne modus excedatur. Sanch. & alij. *ibid. ref. 32.*

19 Qui habet certam pecunię summam distribuendam pauperibus, non tenetur eligere pauperiores, modò eligat pauperes. (Bartol. & Bald.) Nomine autem pauperum intelliguntur etiam Hospitalia, Monasteria, Ecclesię indigentes luminaribus, ornamentis, fabricâ. Item ij qui non possunt honestè vivere iuxta suam conditionem, licet sint alioquin nobiles. Vasq. Molina & alij 8. Videndum tamen quęnam sit intentio testatoris ex signis claris vel coniecturis. *p. 2. tr. 15. ref. 8.*

20 Ostiatim mendicantes qui paupertatem simulant, non tenentur ad restitutionem; quia dominus ob rei paruitatem non cenetur illud onus imponere: quare aliud esset in extraordinariis, & amplis eleemosynis. Granad. & alij 4. *p. 5. tr. 8. ref. 21.*

Emptio.

1 **Q**ui in subhastatione rogat amicos volentes emere, ne plus offerant certâ quadam quantitate, vt ipse postea iusto pretio infimo remillam emat, nō peccat contra iustitiam, nec tenetur ad restitutionem. Idem dicendum de eo

qui volens officium emere, rogat alios emptores ne velint plus dare. Isti enim vtuntur industriâ, & diligentia, vt res sibi iusto pretio detur, timentes ne in auctione pretium plus iusto augeatur. Nauarra & alij 6. p. 1. tr. 8. ref. 76.

2 Qui impediunt alios ne merces emanant ab iis, qui eas portât, sed eas ipsi anticipatè emunt, ita vt alij postea cogantur eas cariùs emere de manibus ipsorum, obligantur ad restitutionem. Rebell. quamuis alij putent eos posse excusari. Molina & alij 4. *ibid.* ref. 27.

3 Licet vendere rem creditâ pecuniâ pretio riguroso, & postea illam statim emere numeratâ pecuniâ pretio iustissimo, modò id non fiat ex pacto, Molina & alij 9 *ibid.* ref. 20.

4 Sartores qui pro alijs emunt pannum, si fideliter agant, possunt sibi retinere partem illam pretij, quæ ipsis remittitur à mercatore: quia nulli fit iniuria. Filliac. & Homobon. *ibi.* ref. 26.

5 Possunt merces minoris emi, 1. ob multitudinem mercium, & raritatem emptorum. 2. ob inopiam pecuniæ. 3. propter modum vendendi. Bonacin. *ibid.* ref. 23.

6 Qui emit rogatus à venditore, potest emere

emere multò minoris: nã merces vltro-
neæ vilescunt pro tertiã parte (Lessius
& alij 4.) aut etiam pro medietate. (Sa-
las & alij 3.) est enim signum copiæ
mercium, & paucitatis emptorum. *ibid.*
ref. 53. & 78.

7 Licet minoris emere merces antici-
patã solutione, ob lucrum cessans, &
damnum emergens. Filliuc. & alij 2.
ibid. ref. 22.

8 Si in fasce herbarum, vel olerum,
quæ vulgò venduntur ad cibum, inue-
niatur herba ignota magnæ virtutis,
potest emi pretio currenti. Item si la-
pidariis esset ignota virtus alicuius la-
pidis pretiosi, qui nouit illius virtutem,
potest communi pretio illum emere.
Molina & alij. *ibid. ref. 79.*

9 In emptionibus præsumitur dona-
tio circa excessum iusti pretij, quando
aliquis scit valorem rei, & sine necessi-
tate, vi, vel fraude amplius dat. Molin.
& alij 2. quamuis alij præterea requirãt
vt contrahentes sint consanguinei, vel
amici. Lessius & alij 4. p. 5. tr. 14. *ref. 39.*

10 Chirographa, seu debita, quæ spem
habent exiguam solutionis, exiguo pre-
tio emi possunt, et si emptor inte-
gram solutionem sit obtenturus: hoc

O s

enim

enim dandum est industriæ, & bonæ fortunæ. Molin. & alij 3. part. 1. tract. resol. 50.

11 Qui bonâ fide rem emit à fure, quando durante bonâ fide vendidit alteri, si deinde sciat rem illam fuisse furto ablatam, potest sibi pretium retinere, modo eam vendiderit eodem pretio quo emerat; neque tenetur rescindere contractum cum emptore, sed tantum in foro conscientiæ illi cedere actionem de evictione quam habet aduersus furem, à quo bonâ fide emit. Nauar. & alij 5. ibid. res. 68.

12 Qui rem à fure bonâ fide emptam maiori deinde pretio vendidit, non tenetur domino restituere illud plus quo factus est ditior: est enim fructus industriæ modo pretium quo ipse emerat fuerit iustum, etsi infimum. Molina & Layman. p. 3. tr. 5. res. 41.

13 Qui bonâ fide emit à fure, postea de furto certior factus, potest tutâ conscientiam rem reddere furi, & pretium recipere, nisi speret se facile posse illud recipere à domino, si illi rem suam restituat. Vasq. & alij 15. p. 1. tract. 8. res. 69. Idem dicendum de emptore malæ fidei: quia potest quisque sibi potius consulere

fulere, quàm alteri. Syluester & alij 8.
p.2.tr.17.ref.4. & p.5.tr.14.ref.87.
Vide *Venditio.*

Episcopus.

1 **E**piscopus extra suam diœcesim potest eligere Sacerdotem idoneum, id est, ab Ordinario approbatum, cui confiteatur, & non alium, vt decreuit Gregor. XIII. Suarez & alij 11. Etsi quidam contrà sentiant. Villalob. & alij 2.
p.3.tr.2.ref.3.

2 Rex de licentiâ Summi Pontif. potest detinere Episcopum, eoq̃ue vti ad regni administrationem, si ita expediat bono communi; (Sanctarel. & alij 4.) si verò nulla sit necessitas publica, Episcopus obligatur ad residentiam de iure diuino. Sanchez & alij 5. *ibid. tr.1. resol.5.* Quod verum est etsi sit Cardinalis, exceptis illis sex Cardinalibus qui habent Episcopatus Vrbi proximis. Sanctarel. & alij. *p.5.tr.2.ref.8.* possunt tamen Episcopi à diœcesi abesse per trimestre etiam animi solùm recreandi causâ Sotus & Azor. *ibid. tr.13. resol.90.*

3 Episcopus habet territorium, & in eo vti potest iurisdictione contentiosâ,
renen-